



Publicaziuns dalla vischnaunca, jamna 07

Votaziuns federalas dils 7 da mars 2021

L'urna principala en casa communal e aviarta sco suonda: **Dumengia: 7-3-2021, 9.00–11.00**

La documentaziun da votar duess mintga votant/a haver obteniu. Cass cuntrari san ins s'annunziar immediat, denton **sil pli tard entochen venderdis, ils 5 da mars 2021, allas 17.00**, tier l'administraziun communal (tel. 081 920 36 36).

Levgiament da votar

Mintga votant/a ha la pusseivladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar a maun e metter quels en la cuviarta da votar grischa e **serrar giu** ella.
2. Metter la cuviarta da votar grischa ensemen cun il certificat dil dretg da votar **suttascret** en la cuviarta alva, cun la quala Vos haveis obteniu la documentaziun da votaziun.
3. La cuviarta ch'ei adressada all'administraziun communal saveis Vos tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la dumengia, ils 7 da mars 2021 allas 11.00 tier l'administraziun communal.

Aschinavon ch'ei vegn buca risguardau sura instrucziuns da votar, ein ils cedels da votar nunvaleivels.

Suprastonza communal

Damondas da baghegiar

2017-1057.001

Datum dalla publicaziun: 19 da fevrer 2021

Il patrun: Pendicularas Mustér SA, Via Acletta 2, 7180 Disentis/Mustér

Il representant: Casutt Wyrsh Zwicky AG, Via Principala 45d, 7153 Falera

Object: **Adattaziun dil project:** Stabiliment per la producziun da neiv artificiala, staziun da pumpar, lag d'accumulaziun sco accumulatur per in di, parcella 2336, 2539, 2541 e 2932, Caischavedra–Gendusas, 7180 Disentis/Mustér

2021-1003.000

Datum dalla publicaziun: 19 da fevrer 2021

Ils patruns: Annamaria e Plutarch Decurtins Chiotopulos, Via Sontga Gada 1, 7180 Disentis/Mustér

Il representant: Spacial Design GmbH, Patrick Rothmund, Via Principala 67, 7166 Trun

Object: Renovaziun parziala egl intern, engrondaziun dalla finiastra dil bogn e midada dallas finiastras plaun su e plaun sut il tetg, parcella 654, Via Sontga Gada 1, 7180 Disentis/Mustér

2021-1004.000

Datum dalla publicaziun: 19 da fevrer 2021

Il patrun: Edmar Jacomet, Via Mumpé Tujetsch 5, 7186 Segnas

Il representant: Casatec SA, Via dalla Stampa 8, 7180 Disentis/Mustér

Object: Installaziun d'ina pompa da calira d'aria, parcella 481, Via Mumpé Tujetsch 5, 7186 Segnas



2021-1005.000

Datum dalla publicaziun: 19 da fevrer 2021

La patruna: Maria-Anna Manetsch, Stelleweg 93, 7000 Cuera
Il representant: Remo Spreiter, Saluferstrasse 28, 7000 Cuera
Object: Spazzada e construcziun nova dil mir circumdau muort engrondaziun dil curtin, parcella 2187, Via Crestas 8, 7183 Mumpé Medel

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 19 da fevrer 2021
Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2020-1073.000

Christoph Lehmann, Kirchweg 9, 8124 Maur; lavurs da manteniment vid la fatschada da slondas ed engrondaziun dalla terrassa, parcella 1863, Via Plaun-Sut 25, 7180 Disentis/Mustér

Disentis/Mustér, ils 19 da fevrer 2021
Uffeci da baghegiar Disentis/Mustér

Annunzia da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziou suandont project:

Nr. 2020-2150.000

Norbert Maissen, Via Cavardiras 3, 7180 Disentis/Mustér: tschentar ina casa da curtin ord lenn, parcella 35, Via Cavardiras 3, 7180 Disentis/Mustér

Disentis/Mustér, ils 19 da fevrer 2021
Uffeci da baghegiar Disentis/Mustér

Cussegl da vischnaunca

Il cussegl da vischnaunca seraduna **venderdis, ils 26 da fevrer 2021, allas 20.15** en halla Cons.

Tractandas:

1. Protocols 31-2017/2020 e 1-2021/2024
2. Revisiun parziala dalla planisaziun locala:
Via da velos da muntogna Gendusas–Caischavedra;
Plan general d'avertura/Skillspark al Crest d'Acletta;
Plan da zonas e lescha da baghegiar (messadi nr. 1-2021/2024)
3. Cussegl da vischnaunca 2021/2024 – Finamiras e program: Orientaziun (messadi nr. 2-2021/2024)
4. Cumissiun per optimar l'organisaziun communal: Nominaziun da quater cusseglier/-as (messadi nr. 3-2021/2024)



5. Ura da damondas (conform ad art. 44 dil regulativ da fatschentas)

Il president dil cussegl da vischnaunca

Vischnaunca Disentis/Mustér
Construcziun nova Center Fontauna (CF)
Publicaziun prestaziun d'architectura
Object e procedura

La vischnaunca Disentis/Mustér realisescha sco proprietaria la construcziun nova dil Center Fontauna (CF). Il cuntegn dalla publicaziun fuorman las prestaziuns d'architectura per la planisaziun d'execuziun e la direcziun da construcziun. Ei vegn menau atras ina procedura aviarta tenor art. 13 al. 1 lit. a) en cumbinaziun cun art. 14 al. 1 dalla lescha da submissiun dil cantun Grischun (Lsub; DG 803.300).

Retratga ed inoltraziun dils documents

Ils documents per inoltrar in'offerta san vegnir retratgs sut: www.simap.ch (ID 1177303)

Ils documents ein d'inoltrar entochen venderdis, ils 26 da mars 2021 all'administraziun communal Disentis/Mustér, remarca «Submissiun construcziun nova Center Fontauna», Via Cons 2, Caum postal 57, 7180 Disentis/Mustér. Tuttas ulteriuras informaziuns davart las pretensiuns all'inoltraziun d'offerta ein d'intervegnir dils documents da publicaziun.

Disentis/Mustér, ils 8 da fevrer 2021
Suprastonza communal Disentis/Mustér

Controla da habitonts

Mortoris

Luzia Quinter-Riedi, naschida ils 3 da fenadur 1924, morta ils 12 da fevrer 2021

Gottlieb Franz Kägi, naschius ils 18 da zercladur 1940, morts ils 13 da fevrer 2021
